

26 JUL 1999

SERI PADUKA UTUS UCAPAN TAHNIAH KEPADA PRESIDEN MALDIVES

KUALA LUMPUR, 26 Julai (Bernama) -- Yang di-Pertuan Agong Sultan Salahuddin Abdul Aziz Shah dan Raja Permaisuri Agong Tuanku Aishah berkenan menghantar perutusan tahniah kepada Presiden Maldives, Maumoon Abdul Gayoom sempena Hari Kemerdekaan republik itu hari ini.

Seri Paduka berharap rakyat Maldives akan terus menikmati keamanan, kemajuan dan kesejahteraan, menurut kenyataan Wisma Putra.

Perdana Menteri Datuk Seri Dr Mahathir Mohamad, dalam perutusan yang serupa kepada Maumoon, berharap hubungan dua hala dan kerjasama di antara kedua-dua buah negara dapat dipertingkatkan.

Menteri Luar Datuk Seri Syed Hamid Albar, dalam perutusannya kepada Menteri Luar Maldives Fathulla Jameel, berharap agar persahabatan dan kerjasama yang sedia terjalin di antara kedua-dua negara dapat dikekalkan.

-- BERNAMA

ZUE AKD